

Sarajevo, 23.06.2025.godine

**FEDERACIJA BOSNE I HERCEGOVINE
EKONOMSKO SOCIJALNOM VIJEĆU ZA TERITORIJU FBiH
ČLANOVIMA**

**STAVOVI UDRUŽENJA POSLODAVACA PO PITANJU PRIMJENE UREDBE O MJERAMA
FINANSIJSKE POMOĆI ZA OČUVANJE RADNIH MJESTA U FEDERACIJI BiH ZA 2025. GODINU**

Tačka 2. Informacija o realizaciji Uredbe o mjerama finansijske pomoći za očuvanje radnih mjesta u Federaciji BiH za 2025. godinu.

Vezano za ovu Uredbu Udruženje poslodavaca naglašava:

- Uredba je tokom prve faze implementacije značajna podrška poslodavcima i veoma je važno da je Uredba na snazi do kraja 2025. godine što poslodavcima omogućava planiranje i u kalkulaciji poslovanja omogućava doprinos stabilnosti;
- Ublažava posljedice Odluke o minimalnoj plati;
- Dosadašnja primjena ukazuje na potrebu izmjena i dopuna Uredbe. Očigledno je Uredba polučila rezultate i privukla interes poslodavaca da pristupe povlačenju-povratu sredstava po osnovu ove Uredbe. Na žalost dio poslodavaca posebno iz određenih niskoakumulativnih grana nije u mogućnosti povlačiti sredstva po ovom osnovu i predlažemo da Ekonomsko socijalno vijeće za teritoriju FBiH donese zaključke i preporuke za određene Izmjene i dopune kako slijedi;

„U Uredbi o mjerama finansijske pomoći privatnim poslodavcima, obrtima i ostalim samostalnim djelatnostima u FBiH u cilju održavanja postojećih radnih mjesta za 2025. godinu ("Službene novine FBiH", broj 8/25) u članu 7. u stavu 1. tačka d) da se mijenja na način da se poreznom obvezniku koji kasni sa uplatom doprinosa omogućí da stekne pravo na refundaciju dijela doprinosa za određeni mjesec 2025. godine datumom uplate doprinosa za isti taj mjesec, a najkasnije do dana važenja ove uredbe.

Obrazloženje razloga za izmjenu Uredbe:

Udruženju poslodavaca u Federaciji Bosne i Hercegovine obratile su se brojne članice iz oblasti tekstilne industrije sa zahtjevom za izmjenu Uredbe o mjerama finansijske pomoći privatnim poslodavcima, obrtima i ostalim samostalnim djelatnostima u FBiH u cilju održavanja postojećih radnih mjesta za 2025. godinu ("Službene novine FBiH", broj 8/25). Naime, kako

Udruženje poslodavaca u Federaciji BiH

Maršala Tita br.6, 71000 Sarajevo - Bosna i Hercegovina

Tel: +387 33 552 460 / Tel/fax: +387 33 552 461 / info@upfbih.ba

navode u svojim zahtjevima, do sada nisu ostvarile pravo na subvenciju povećanja minimalne plate, iako su među najvećim poslodavcima u Federaciji BiH.

Naime, prema članu 7. i 8. predmetne uredbe, jedan od ključnih uslova za ostvarivanje prava na finansijsku pomoć jeste da poslodavac nema neizmirenih obaveza po osnovu doprinosa i poreza zaključno sa krajem prethodnog mjeseca u odnosu na mjesec za koji se isplaćuje plata.

Međutim, tekstilna industrija već godinama funkcioniše u sistemu koji toleriše kašnjenje u plaćanju doprinosa do dva mjeseca, što Porezna uprava FBiH prepoznaje i uvažava kao ustaljenu praksu. S obzirom na to da su upravo te firme u potrebi podrške, apeliraju da se kroz minimalnu dopunu uredbe omogući i firmama koje kasne sa uplatom doprinosa iz opravdanih razloga poslovanja, omogući ostvarenje prava na refundaciju, ukoliko obaveze budu izmirene najkasnije do dana važenja uredbe.

*Predložena izmjena ima za cilj unaprijeđenje primjene navedene **Uredbe**, što je posebno važno za tekstilnu industriju, sektor koji se suočava s finansijskim izazovima, a istovremeno značajno doprinosi zapošljavanju.*

- *Tekstilna industrija često kasni s uplatama doprinosa do dva mjeseca, a Porezna uprava taj period tolerira u praksi. Ipak, postojeća uredba takav tretman ne priznaje i one firme formalno isključuje iz mogućnosti refundacije.*
- *Iako su među najvećim poslodavcima, firme iz tekstila nisu dobile subvencije kroz dosadašnje mjere pomoći, uključujući one za vrijeme pandemije.*
- *Visoki troškovi sirovina, repromaterijala i transporta dovode do kašnjenja u naplati i uplati doprinosa – ali ne i do izbjegavanja obaveza.*
- *Omogućavanjem naknadne refundacije jača se stabilnost radnih mjesta u najradno-intenzivnijem sektoru, što doprinosi cilju uredbe – očuvanju zaposlenosti.*
- *Ne traži se proširenje budžeta, već samo fleksibilniji administrativni rok, bez narušavanja fiskalne discipline.*

*Također, pojedine kompanije su nam se tokom prvog polugodišta implementacije **Uredbe** obraćali sa zahtjevom da sa nadležnim institucijama unaprijedimo proceduru i posebno transparentnost postupanja po žalbama. Odgovori na žalbe nisu im upućivani blagovremeno, a neke kompanije žale se da nikada nisu dobile odgovor na žalbe. Neki od razloga koji su navodili, a koje su kompanije dobivale od nadležnih poreskih ispostava na terenu ukazuju da je mogući problem bio i u komunikaciji između poreskih institucija, što svakako treba razmotriti i otklanjati u narednom periodu implementacije.*

Dopunom navedene Uredbe omogućava se potpunija primjena mjera za tekstilnu industriju koja i pored izazova u poslovanju uredno podmiruje doprinose uz navedena kašnjenja. Izmjena Uredbe u kontekstu ovih prijedloga se postiže bez povećanja budžetskih troškova, ostavljajući prostor za stabilnost i očuvanje radnih mjesta i poslovanja kompanije.